

西南文學文獻

第十七卷

中國西南文獻叢書



中國西南文獻叢書·第六輯

西南文學文獻

第十七卷



本輯主編：徐希平

田耕宇

副主編：肖燕

鄭慧珍

葉南

編撰：王永波

陳堯

邢金良

劉浪

徐立昕

鄧潔

林洪濤

李廣科

艾晶

張麗豐

本卷目錄

鶴林文集

一

〔南宋〕

吳

泳撰

.....

一

鶴林集

【南宋】吴泳撰

鹤林集

《鹤林集》：吴泳撰。南宋吴泳撰。羽军大夫，鄞川中丘人。宁宗嘉泰二年

士知泉州府。其文集本传之。《宋史》：羽军大夫，鄞川中丘人。宁宗嘉泰二年

林集而不群。卷数其文志亦不著。《鹤林集》

《鶴林集》，別集類，南宋吳泳撰。泳字叔永，潼川中江人，寧宗嘉定二年（公元一二〇九年）進士，官累遷吏部侍郎兼直學士院，疏言謹政體，正道揆，厲臣節，綜軍務四事，權刑部尚書，進寶章閣學士，知泉州，以言罷。《宋史》本傳稱所著《鶴林集》，原集卷次不詳，《宋史·藝文志》亦不著錄，久已散佚。四庫館臣據《永樂大典》輯編成《鶴林集》四十卷，詩四卷，文三十五卷，詞一卷。另有《蜀十五家詞》和《疆村叢書》收《鶴林詞》一卷。今用文淵閣《四庫全書》影印，原書版心高二十二點三公分，寬十五點三公分。

欽定四庫全書

集部四

提要

鶴林集四十卷

別集類三

宋

臣等謹案鶴林集四十卷宋吳泳撰泳字叔

永潼川人嘉定二年進士理宗朝歷官起居

舍人兼直學士院權刑部尚書終寶章閣學

士知泉州事蹟具宋史本傳史稱所著有鶴

林集而不詳卷數藝文志亦不著錄惟永樂

大典各韻中頗散見其詩文程昉輯編次整
為四十卷放佚之餘篇什尚夥亦可見其著
作之富矣泳當南宋末造正權姦在位國勢
日蹙之時獨能正色昌言力折史彌遠之鋒
無所回屈可謂古之遺直至當時邊防廢弛
泳于山川院塞籌畫瞭如慷慨數陳忠中寔
要本傳所載諸疏簡畧未詳今以本集考之
如紹定二年上西陲八議五年疏四失三憂

及保蜀三策端平二年言元兵先通川路後
會江南不可不固上流三年乞預儲蜀帥又
論壞蜀四證以救蜀五策大抵于西川形勢
言之最晰良由南宋以蜀為後戶於形勢最
為衝要泳又蜀人深知地利故所言切中窾
會非揣摩臆斷者比竇可以補史所未備其
他章疏表奏明辨駁發亦頗有眉山蘇氏之
風在西蜀文士中繼起丁翁鶴山集後固無

金定四庫全書

卷五

多壞也乾隆四十六年九月恭校上

總纂官臣紀昀臣陸錫熊臣孫士毅

總校官臣陸費墀

校對是校對人校對是校對人校對是校對人

審定是審定人審定是審定人審定是審定人

編纂是編纂人編纂是編纂人編纂是編纂人

會同編纂人會同編纂人會同編纂人會同編纂人

校對是校對人校對是校對人校對是校對人

欽定四庫全書

鶴林集卷一

宋 吳泳 撰

五言古體詩

擬西北有高樓

高樓何宮苑一柱西北隅橫當子午道峻直參井墟曲
瓊卷飛霞儼儼僊人居上通三重階下陰十二衢傍樓
王簫女織翠紛華裾僊人顧之笑授以青琅書邈言欲
從之媒拙而理疎丹梯目成久須憑大垂手

夫遠征

采繁浴春蠶夫婿今遠離貧無金釵別愁有玉筯垂朝
同火伴去莫獨衾裯隨百夫十夫長千里萬里期去期
日已遠征郎不顧返生理日就貧歲年亦云晚雖有乳
下男不能充夫丁昨日府帖下籍已書其名官軍獨備
北頗恤東西民勿言征錢輕抽徵將到人

采葛行

黃葛溪上生青條谷中垂薄言采其絲緝彼綌與絺縫

作公子裳遠寄閨人思
締兮淒以風不值當暑時
輕鮮未及御棄置忽若遺
雖則遭棄捐肯為風雨移
朝暮蒙楚中采采以慰飢
君看葛婦歌嘗膳味若飴

桂

南之山叢叢桂樹生也
直朱華自成林不雜衆芳
植上有青鸞棲因之為羽
翼移根上林苑零露滋曉
色豈不罹疑寒高標竦孤
特丹心能自渥身性不加
飾所以離騷詞嘉其秉炎
德相觀穹壤間人統形氣
識陽根為剛

明陰質為閹塞靈均莫能招聊與花辯惑

都大華文監丞權府事之明年天子詔將直禁
近邦之人有以三瑞為獻者曰雙蓮曰岐麥曰
九穗禾皆斯世之上瑞而萃於一時人目之以
為盛遂采民謠集成歌頌曲三首以紀其美

二閹

短短菰蒲洲陰陰葭陂有斐嘉芙蓉雙蒂媚漣漪如
龍舒兩娥如沅湘二妃豈伊玉池種而乃生污泥斑然
爛雲錦襲人芳菲菲兩美諒必合佳人製為衣下承朝

露滋上戴夕日輝
駕言折芳馨歸以遺所思

詠懷

何草秋不枯何葉秋不黃
白露以潤之薤薤含晶光
幽蘭自華滋時菊仍菲芳
榮榮園中葵亦得晞朝陽
被恩有如此後時果何傷
惟有警夜鶴庭前獨旁皇
豈不欲九臯翅翎莫能長
湛湛被露斯幽吟遂成章

送新遂州程倅

美人其猶龍渴飲金泉水
水狹又飛去一息迷池耳
是

時天氣清衆綠事盥洗巡征溘埃風長袂躡螭尾天階
甫一尺民社猶千里還須手帝澤為俗洗瘡痍餘力裁
新詩或可代封匭

宛宛黃柳絲錐錐雜花垂柳解織別愁花能送春歸思
君遠行邁遊子心依依有絃不解揮有鏡不復治豈是
真不能持此欲遺誰河梁此時曲淚為生別滋但期如
水萍所寄良不移

送陳和仲常博倅嘉禾

柳色媚別駕桐花夾行舟
慈湖一片心不上富貴鉤
擊却雲霧窓分渠月波樓
但有月長清何妨波漫流
俗士騎戶限癡官摸床脣
名節與官爵豈以全畀人子
方貴良貴我亦仁景仁終始
議論間但保一色醇未及與
君別先歌送君詩浙西數年
來風景非昔時紅蠶不上箔
青麥空生陂六經政之本無
用別出奇

送長兒槃赴金陵典斛

皤皤六十翁碌碌三男子
阿柴冠尚癡阿裕晬欲死
槃